



Broj: 05/1-50-13-26-33-3/17
Sarajevo, 16.6.2017.

ZAPISNIK

33. sjednice Nezavisnog odbora Parlamentarne skupštine BiH

Sjednica je održana 16.6.2017., s početkom u 17 sati.

Sjednicu je sazvao Enes Obraliya, prvi zamjenik predsjednika Nezavisnog odbora.

PRISUTNI ČLANOVI NEZAVISNOG ODBORA: Enes Obraliya, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ilma Mehić-Jusufbašić, Adisa Begić, Nikola Džambas, Mate Miletić i Ljubomir Kuravica.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednici su prisustvovali i Mirsad Vilić, direktor Direkcije za koordinaciju policijskih tijela BiH, te Mile Jurić i Uroš Pena, zamjenici direktora Direkcije za koordinaciju policijskih tijela BiH.

Sjednicu je pratio i Jovica Katić iz Sektora za odnose s javnošću Sekretarijata Parlamentarne skupštine BiH.

Sjednicom je predsjedavao prvi zamjenik predsjednika Nezavisnog odbora Enes Obraliya.

Konstatirajući da postoji kvorum za rad, otvorio je 33. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 32. sjednice Nezavisnog odbora;
2. Razmatranje Izvještaja o radu Direkcije za koordinaciju policijskih tijela BiH za 2016. godinu i Program rada Direkcije za koordinaciju policijskih tijela BiH za 2017. godinu, materijal broj: 20-06/1-07-1-524-2/17, od 21.3.2017., a zaprimljen u Pisarnici Parlamentarne skupštine BiH 22.3.2017., broj: 05/1-50-13-26-30-5/17;
3. Tekuća pitanja.

Ad.1. Usvajanje Zapisnika 32. sjednice Nezavisnog odbora

Zapisnik 32. sjednice Nezavisnog odbora usvojen je jednoglasno, bez primjedbi.

Ad.2. Razmatranje Izvještaja o radu Direkcije za koordinaciju policijskih tijela BiH za 2016. godinu i Program rada Direkcije za koordinaciju policijskih tijela BiH za 2017. godinu, materijal broj: 20-06/1-07-1-524-2/17, od 21.3.2017., a zaprimljen u Pisarnici Parlamentarne skupštine BiH 22.3.2017., broj: 05/1-50-13-26-30-5/17

U uvodu u ovu tačku dnevnog reda prvi zamjenik predsjednika Nezavisnog odbora Enes Obralića napomenuo je da je Direkcija za koordinaciju policijskih tijela BiH, u skladu sa zaključkom s 30. sjednice Nezavisnog odbora, dostavila Izvještaj o radu Direkcije za koordinaciju policijskih tijela BiH za 2016. godinu i Program rada Direkcije za koordinaciju policijskih tijela BiH za 2017. godinu. U vezi s tim, na sjednicu su pozvani i prisustvovali joj Mirsad Vilić, direktor Direkcije za koordinaciju policijskih tijela BiH, te Mile Jurić i Uroš Pena, zamjenici direktora Direkcije za koordinaciju policijskih tijela BiH, kako bi s članovima Nezavisnog odbora razmatrali dostavljeni materijal.

U raspravi o ovoj tački dnevnog reda i razgovoru članova Nezavisnog odbora s direktorom i zamjenicima direktora Direkcije za koordinaciju policijskih tijela BiH učestvovali su svi prisutni članovi Nezavisnog odbora. Razgovarali su i o trenutnom stanju u Direkciji za koordinaciju policijskih tijela BiH, o kadrovskoj popunjenosti Direkcije, o novom Pravilniku o unutrašnjoj organizaciji i sistematizaciji radnih mjesta kojim bi se riješio i problem činovanja policijskih službenika, potpisivanju Operativnog sporazuma i izuzetno dobroj saradnji s EUROPOLOM, o Zakonu o policijskim službenicima BiH i potrebi njegovog donošenja, o pripremama pred obilježavanje 22. godišnjice stradanja u Srebrenici sa sigurnosnog aspekta,

o saradnji s drugim policijskim agencijama te drugim pitanjima iz domena rada Direkcije za koordinaciju policijskih tijela BiH.

U raspravi su direktor i zamjenici direktora Direkcije za koordinaciju policijskih tijela BiH posebno izrazili potrebu za donošenje Odluke o određivanju osoba, objekata i vrijednosnih pošiljki koji se štite i Uputstva o obimu i načinu provođenja fizičke i tehničke zaštite osoba, objekata i vrijednosnih pošiljki.

Nakon rasprave, članovi Nezavisnog odbora jednoglasno su donijeli **zaključke** koje će uputiti Ministarstvu sigurnosti BiH:

ZAKLJUČAK I.

Nezavisni odbor smatra da je neophodno donijeti Odluku o određivanju osoba, objekata i vrijednosnih pošiljki koji se štite, a odnose se na jednu od djelatnosti iz nadležnosti Direkcije za koordinaciju policijskih tijela BiH.

Imajući u vidu da se od 2010. godine nastoji riješiti ovo pitanje kao i činjenicu da je predloženim tekstom Odluke predviđeno smanjenje finansijskih sredstava, njenim donošenjem riješili bi se problemi u obavljanju poslova iz nadležnosti Direkcije za koordinaciju policijskih tijela BiH.

ZAKLJUČAK II.

Nezavisni odbor, također, smatra da je neophodno donijeti Uputstvo o obimu i načinu provođenja fizičke i tehničke zaštite osoba, objekata i vrijednosnih pošiljki.

Također, članovi Nezavisnog odbora jednoglasno su primili k znanju Izvještaj o radu Direkcije za koordinaciju policijskih tijela BiH za 2016. godinu i Program rada Direkcije za koordinaciju policijskih tijela BiH za 2017. godinu.

Ad.3. Tekuća pitanja

U okviru ove tačke dnevnog reda dogovoreno je da se sljedeća sjednica Nezavisnog odbora održi 3.7.2017. u 17 sati.

Prvi zamjenik predsjednika Nezavisnog odbora Enes Obraliya zaključio je sjednicu u 18,20 sati.

SEKRETAR
NEZAVISNOG ODBORA
Ivana Lovrić

PRVI ZAMJENIK PREDSJEDNIKA
NEZAVISNOG ODBORA
Enes Obraliya